



Centro de Investigación Excelente do Sistema Universitario de Galicia - CITIC

INSTRUCCIÓNS PARA A SOLICITUDE DE AXUDAS PARA ESTADÍAS

Ésta é unha acción prioritaria aprobada polo Comité de Dirección dentro das accións estratéxicas do CITIC para o 2025. Estas axudas para estadías deberán reunir as seguintes características:

PERÍODO: Poderán concederse axudas para estadías de investigación efectuadas entre o 1 de maio de 2025 ao 25 de outubro de 2025.

TIPOLOXÍA DE GASTO: Axudas a estadías para o persoal adscrito ao CITIC. O importe aproximado destinado a esta acción é de 50.000,00 €, que poderá variar en función das solicitudes que se presenten e o resultado da baremación.

COMPATIBILIDADE CON OUTRAS AXUDAS: Debido á natureza dos fondos, esta axuda é **incompatible** con outras fontes de financiamento para a mesma finalidade.

REQUISITOS:

- ⇒ Modalidade A: Axudas para estadías para persoal investigador adscrito ao CITIC:
Requisitos: Ser Persoal Docente e/ou Investigador con relación laboral ou estatutaria coa UDC e adscrito ao CITIC no momento da solicitude e durante a realización da estadía.
- ⇒ Modalidade B: Axudas para estadías para o resto de adscritos ao CITIC:
Requisitos: Ter matrícula en vigor na UDC e estar adscrito ao CITIC no momento da solicitude e durante a realización da estadía.
- ⇒ No caso de ambas modalidades:
Cumprir a condición de filiación: A persoa solicitante debe cumprir os requisitos de Filiación ao centro descritos na normativa de adscrición subscrita. Revisarase a filiación das publicacións do período 2019-2024 e nas redes e plataformas científicas.

DURACIÓN: As estadías deberán ter unha duración mínima de 1 mes e máxima de 3 meses. No caso de persoal adscrito con categoría de permanente a duración mínima será de 2 semanas.

FINANCIAMENTO DA CONVOCATORIA: Esta axuda está subvencionada polo CITIC, centro con acreditación en excelencia do Sistema universitario de Galicia. ED431G 2023/01. Cofinanciado nun 60 % polo Programa de Galicia FEDER 2021-27, no marco das axudas para a estrutura, mellora e apoio aos centros de investigación do SUG da Consellería de Educación, Ciencia, Universidades e Formación Profesional da Xunta de Galicia ED431G.

A axuda queda condicionada á existencia de crédito axeitado e suficiente nos Orzamentos da UDC para o ano 2025.

DESTINO E CONTÍA DE CADA ESTADÍA: A axuda abranguerá estadías a efectuarse nun centro ou grupo de investigación estranxeiro ou nacional, **exceptuando Galicia**, de ata tres meses de duración, e terán un importe máximo de financiación segundo a seguinte táboa:

Destino	Contía máxima (90 días)	Coste/día
España	2.120,00 €	23,56 € / día
Europa	4.600,00 €	51,11 € / día
América Latina, África	5.200,00 €	57,78 € / día
EUA, Canadá, Asia ou Oceanía	7.200,00 €	80,00 € / día

No caso de que a duración da estadía fose superior a 3 meses, será susceptible de financiamento únicamente o correspondente a 3 meses. Se a duración é inferior, será financiada a parte proporcional correspondente aos días de estadía.

Unha vez coñecido o número de solicitudes e o seu importe total, en caso de non poder financiar o 100 % da solicitude (ao non alcanzar o orzamento dispoñible debido ao número de solicitudes), distribuirase proporcionalmente ata completar o orzamento dispoñible.

RECEPCIÓN DE SOLICITUDES: Até o **30 de abril de 2025**, enviando a seguinte documentación a xestion.economica.citic@udc.es:

- ⇒ Formulario de solicitude.
- ⇒ Invitación ou carta motivada do grupo ou centro de destino, onde consten as datas para a realización da referida estadía
- ⇒ Declaración responsable doutras axudas solicitadas ou concedidas para a mesma finalidade.



RESOLUCIÓN: A resolución das axudas publicarase tras o remate do prazo de presentación de solicitudes en <https://citic.udc.es/intranet/>.

PROCEDIMENTO PARA O PAGAMENTO DA AXUDA: O procedemento de pagamento da axuda realizarase ao abeiro da normativa da Universidade da Coruña, podendo realizarse un pagamento anticipado da axuda concedida nas condicións que a devandita normativa permite, previa solicitude da persoa beneficiaria e condicionada á dispoñibilidade de recursos no momento da solicitude.

Se a estadía non se realizara de conformidade, a persoa beneficiaria deberá reintegrar o importe adiantado.

DOCUMENTACIÓN A PRESENTAR Á VOLTA DA ESTADÍA:

1. Memoria científico-técnica da estadía.
2. Certificado de realización da estadía.
3. No caso de persoal contratado pola UDC, contrato laboral en vigor da persoa solicitante no período de realización da estadía ou matrícula do curso en vigor (se non se presentou previamente).
4. Concesión do permiso da UDC para a realización da estadía (e calquera outro pertinente).
5. Xustificantes das viaxes da ida e da volta, según medio/s de transporte utilizado/s (tarxetas de embarque, billetes de tren, billetes de autobús, tickets de peaxe, facturas de taxi, etc.)

PRAZOS:

A solicitude, xunto coa información pertinente, deberá enviarse a xestion.economica.citic@udc.es antes do **30 de abril de 2025**.

A documentación final presentarase no CITIC dentro dos **sete días naturais** seguintes á finalización da viaxe, en calquera caso, sen superar a data límite do **25 de outubro de 2025**.

REPOSITORIO:

Toda a documentación referente á convocatoria poderá atoparse en <https://citic.udc.es/intranet/>.

INSTRUCCIÓN PUBLICIDADE AXUDAS: As persoas beneficiarias obrigatoriamente deberán dar publicidade da orixe do financiamento da actividade subvencionada, facendo referencia expresa en todas as publicacións, relatorios ... que leven a cabo, incluíndo o seguinte texto:

"CITIC, as a center accredited for excellence within the Galician University System and a member of the CIGUS Network, receives subsidies from the Department of Education, Science, Universities, and Vocational Training of the Xunta de Galicia. Additionally, it is co-financed by the EU through the FEDER Galicia 2021-27 operational program (Ref. ED431G 2023/01)."